

Ineqarnermut, Attaveqarnermut Aatsitassanullu Naalakkersuisoq  
Landsstyremedlem for Boliger, Infrastruktur og Råstoffer

Inatsisartunut ilaasortaq  
Olga Poulsen Berthelsen  
/MAANI

**Naalakkersuisunut apeqqut: Inissianik attartortut akiliutigisimasamik  
ilaannik akikillisaaffigineqartalernissaanni, inissiani isatigassani  
attartortuusut uteqqissinnaanissaminnut atatillugu, inigisimasaminnut  
akiliutigisimasatik piginneqataassutissatut akikillisaatitut  
atorsinnaassavaat? Suna tunngavigalugu inissiarsuarni attartortut, inissiat  
isatigassat qimalerneranni inissiap qanoq issusaa tunngavigalugu  
akiligassinneqassapat?**

13.11.2006

Postboks 909  
3900 Nuuk  
Oq/tel +299 34 54 00  
Fax +299 34 54 10  
iap@gh.gl  
www.nanoq.gl/iap

Blok Q-mi, R-imi S-imilu maanna attartortuusut inatsisitigut inissisimanerat pillugu  
aralinnik apeqquteqarputit.

Naalakkersuisut sinnerlugit apeqqutitit imatut akissuteqarfigissavakka.

Allapputit 30. oktober 2006-imi Qanoruukkut nalunaarutigisimagiga, attartortut  
maannamut attartornermut akiliutigisarsimasamik ilaat piginneqatigiilluni inissiatillit  
peqatigiiffissaannut nammineq akiliutitut atorsinnaagaat. Tamatumunnga  
ilassutigalugu tamanna eqqortuunersoq apeqqutigaat?

Oqanngilanga attartortut maannamut attartornermut akiliutigisarsimasamik ilaat  
piginneqatigiilluni inissiatillit peqatigiiffissaannut nammineq akiliutitut  
atorsinnaagaat. Apeqquteqarninni kukkusumik issuarparma. Attartortut maannamut  
attartornermut akiliutigisarsimasamik ilaat nammineq akiliutitut atorsinnaassagaat  
eqqortuunngilaq. Kisiannili attartortut attartornermut isumaqatigiissutiminnik  
naammassinnissimasut qularnaveeqqusiussaminnik utertitsivineqarnissaq  
pisinnaatitaaffigigaat. Attartortut qularnaveeqqusiussat piginneqatigiilluni  
inissiannngortussamut aningaasalersuinermi nammineq akiligassamik ilaattut  
atorsinnaavaat.

Apeqqummut saqqummiussannut ilassutitut ineqarnermut akiliut sunaanersoq,  
aammalu sooq attartortup ineqarnermut akiliummit  
iluanaarutissaqartinneqarnissaat isumaqannginnersoq nassuiaateqarfigissavara.

Namminersornerullutik Oqartussat inissiaataanni attartortittakkani ineqarnermut  
akiliut attartortitsisarnermut peqqussummi § 28 naapertorlugu akilersinneqartarpoq.  
Aalajangersagaq taanna malillugu *najugaqatigiiffimmi inissianik attartortitsinermi  
isertitat tamakkiisut sukkulluunniit annertussusilerneqarnerini, najugaqatigiiffiup*

*aningaasartuutunik tamanik akiliisinnanissaa periarfissinneqassaaq, matumani ilanngullugit aningaasaaliissutinit iluanaarutinut illumik piginnittumut akiliutitut aningaasartuutit, aamma ingerlatsinermut atatillugu aningaasartuutit, matumani ilanngullugit allaffissornikkut aqutsinermut akiliutit, aserortisarnermik pinaveersaartitsinermut akiliutit aamma akiliutissatut illuartitalu aalajangikkat.*

Taamaattumik ineqarnermut akiliutit ilaatigut inissianik ingerlatsinermut atorneqassapput, ilaatigullu piginnittup sukkulluunniit illuutitut tunngatillugu aningaasaliissuteqartarnerata malitsigisaanik aningaasaatinit iluanaarutissanut tunngasuullutik. Taamaattumik attartortut iluanaaruteqartinneqarnissaat eqqartussallugu isumaqanngilaq. Attartortitsinermut peqqussut aalajangersakkanik, attartortup ineqarnermut akiliummit iluanaaruteqarsinnaanissaanut tunngasunik imaqanngilaq. Ineqarnermut akiliut attartortup attartukkamik atuineranut akiliutitut taamaallaat atorneqartarpoq, allanut atorneqartarani.

*Aammattaaq allapputit, "Tupigusuutigineqanngitsoorsinnaanngilaq inuit inissiani attartukkaminni, isaterneqarnissaallu pillugu qimattariaqakkaminniit anilernerminni akiligassinneqarnissaat, tassa inissiami aserfallaataasimasunik akiliisinneqarnissaat."*

Aamma tassani paatsuugaqarsimavutit. Attartortut attartornermut isumaqatigiissumminnik naammassinnissimasut Blok Q-mit, R-imit S-imiilluunniit nuunnerminnut atatillugu akiligassinneqassanngillat. Inissiami isateriaannarmi attartortup attartukkaminik nalinginnaasumik iluarsaasinissamut akiliisinneqarnissaa soorunami isumaqanngilaq. Attartortut taakku inissiami isaterneqartussami nalinginnaasumik iluarsaassinissamut soorunami akiliisinneqassanngillat.

Kisianni attartortut inissiami najukkaminni, soorlu matunik sikaaviilluunniit matuinik aserorterisimasut soorunami tamatumunnga akiliisinneqassapput. Tassanissaaq ersarippoq Namminersornerullutik Oqartussat illuummik piginnittut attartortut inissiami najukkaminni aserorterisimasut immikkut ittumik pitsaasaarfiginiartariaqanngimmagit. Attartortut taakku aserortikkatik akilertussaavaat. Tamanna pissusissamisuginnarpoq inatsisillu malilluinnarlugit taamaattussaalluni.

Tuapannguani sulianut tunngatillugu allanik apeqqutissaqaruit ataatsimeeqatiginiarlunga piffissamik isumaqatigiissuteqarsinnaavutit, tassanilu suliassaq pillugu, aammalu attartortut pisinnaatitaaffii pisussaaffiilu ataatsimut nassuiaateqarfigiumaarpakka.

Ikinngutinnersumik inuulluaqqusillunga

Jørgen Wæver Johansen